

中國地方志集成

浙江府縣志輯④⑩

乾隆紹興府志(二)

乾隆紹興府志校記

江蘇古籍出版社 ● 上海書店 ● 巴蜀書社

中國地方志集成
浙江府縣志輯④

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二八四元

責任編輯

盧建幸
王海浩

封面設計 范一辛

1993年6月第1版 1993年6月第1次印刷

ISBN7-80569-851-1/K·146

沪新登字119号

紹興府志卷之四十三

人物志三

名宦下

明

張熙北平人洪武初知紹興平易得民恪勤公務府治公

廨及什器不可缺者皆其所創置人咸稱之明二統志

唐鐸字振之明祖初起兵即侍左右洪武元年知延平三

年為殿中侍御史出知紹興六年召拜刑部尚書為人

長者性慎密不妄取予帝以故舊遇之明史案萬歷

武初從軍守濠州授西安縣丞歷知紹興御下以誠人

紹興府志卷之四十三人物志三

蓋湖水利經歲不決至隆

李慶字德孚順義人洪武中以國子生署右免都御史後

授刑部員外郎遷紹興知府永樂元年召為刑部侍郎

性剛果有幹局馭下甚嚴屬吏與罪人交通私饋餉慶

輒知之繩以重法進工部尚書宣德二年討黎利命慶

參贊軍務卒于軍明史案明一統志慶器量宏遠威

職即躬理園蔬以供朝夕照應無懈守職清貧每分俸

資給由是幕僚競願廉潔永樂登極慶以遠詔被逮軍

校途虛之將致之死至京赦免尋擢右都御史後平校

主簿郭謙所行多不法已民虛懷董嚴率三十餘人將

之赴京至平望夜盜殺盧董等三十餘人而郭無恙蓋

胡敏荊州人宣德中知紹興方正廉簡御史甚嚴時庶務

繁劇敏處置得宜民不擾而郡治萬歷志

一羅以禮桂陽人永樂十三年進士由郎中知西安府遭喪

補紹興再以喪去代者不稱職部民追思乞以禮於朝

詔起復視事歲滿進秩復任已移知建昌所至皆有惠

愛歷三郡凡二十七年乃致仕明史萬歷志以禮宣

弊無不與革好敦禮隱逸在任九年或雨暘不時祈禱

輒應民歌曰太守羅以禮存心合天理祈晴得晴祈雨

彭誼字景宜東莞人正統中鄉舉景泰五年擢右僉都御

史提督紫荆倒馬諸關天順初罷巡撫官中朝有不悅

紹興府志卷之四十三人物志三

誼者下遷紹興知府歲飢輒發廩振貸吏白當俟朝命

誼曰民方急安得循故事耶築白馬閣障海潮歷九載

多惠政超擢山東左布政使工部左侍郎遼東巡撫鎮

遼八年軍令振肅年未老四疏告歸家居四十餘年卒

明史萬歷志郡中官站湖田正稅既重復加折耗歲

小穀則鬻產不能償官私困迫誼請裁缺起耗不允輕

重槩以三升為率稅額耗乃

洪楷字學膺莆田人初為御史成化間出知紹興儉勤廉

慎賦寬刑平民甚德之辛卯歲飢賑海多盜楷令防守

要隘盜遂屏息復勸富家出粟貸貧由是歲不為害從

忠臣劉幹先賢尹煒祠封者儒羅慎墓表節孝聘遺逸

若王堃王琥輩皆躬造其廬一時士氣稍振等遷本省

右叅政人謂大洪小洪先後同風浙江通志

戴琥字廷節浮梁人由南臺御史來知紹興琥起家鄉貢

而持身廉介馭八邑令長每甄別其黑白品第其高下

稍有過輒庭叱之不以借諸令長稟稟無敢犯服則舉

行鄉射敦禮名士間至梅山造隱士羅頤之廬召諸長

老與其商權今古終日不倦即窮鄉卑戶有奇節獨行

者封墓式閭唯恐弗及凡遇民疾疫必遣醫分療文廟

樂久廢特崇修之朔望進諸生講論經史聽者踈動尤

紹興府志卷之四十三人物志三

究心水利若上虞之夏蓋湖山陰之西小江疏防得宜

區地玉山築塘建閘蓄洩有候潮思不侵功利甚溥至

今去思有碑萬壽志（邱塘重修水利記西小江之水

水不能行載候建石橋凡六在山陰者五曰新龍曰柘

林爲洞者四曰泄江南之水曰夾蓬曰扁施爲洞者三

在泄江北之水曰新河爲洞者二以泄麻溪五湖之水

於蕭山者一曰龍山爲洞者二以泄湖之水小江雖

淤積堰雖廢諸水悉有所往疏塞啓閉成有法則諸費

一出於官而民無與焉案載侯守越係成化十四年

建閘於十五年而民無與焉等語載水亦不詳

且言會爲柘林新龍等十三洞泄之遇非常之水亦不

能支須于有石山脚如山陰縣球白洋會稽柘新塢

等處增置數閘則善矣其拳拳于民事如此配名宦

劉麟字元瑞本安仁八世爲南京廣洋衛副千戶因家焉

績學能文與顧璘徐正卿稱江東三才子宏治九年進

士正德初由刑部郎中出爲紹興府知府劉瑾銜麟不

謁謝甫五月撫前錄以細故罷爲民士民醵金贖不受

爲建小劉祠以配漢劉龍因居湖州起陝西左叅政歷

官工部尚書清修直節當官不撓家居三十餘年晚好

樓居力不能構懸籃輿于梁曲卧其中名曰神樓文徵

明繪圖遺之年八十九卒贈太子少保謚清惠明史

早前太守劉亦名麟年耄志衰用侈而政頗民其病之

雖至一切務裁省剔蠹舉墜閭閻如解倒懸甫五十日

南大吉字元善渭南人性豪宕雄于文與康海胡繼宗諸

人齊名嘉靖初以部郎出守郡同知靳塘多知議在任

紹興府志卷之四十三人物志三

久諸諸利弊大吉下車每事諮詢塘以書生易而設之

大吉陰察其情既三月一日坐堂上召諸吏抱案集庭

下數之曰若等善欺予某事然若以爲不然某事不然

若以爲然亟持案來案至立剖數千事悉中情理人人

惴伏塘駭汗辭舌不敢出一氣由是飭條教頒下邑懲

奸戢暴不撓貴勢巨豪石天祿戴顯八者窩盜致饒官

府素不能治悉逮捕斃獄中每臨重囚必朱衣象簡秉

燭焚香大開重門令衆見之望見者以爲神人不可犯

然頗傷苛急當是時王文成公講明理學大吉初以會

試舉主稱門生猶未能信久之乃深悟痛悔執轡請益

文成曰人言不如自知之明白悔之篤於是稍就平和乃葺稽山書院創尊經閣簡八邑才僞弟子講習其中刻傳習錄風示遠近文成振絕學於一時四方雲集庠廩相繼皆大吉左右之也又嘗潛却河開上竈溪理侵墾役丁夫遂籍籍騰謗矣以大計落職去大吉政尚嚴猛喜任事不避嫌怨竟以是蒙訾然鋤奸興利至今賴之其功不可掩云

附志 獄錄大吉正德辛未進士知紹興政修廢舉建稽山書院萃屬邑髦士教之成者什九四不決者一鞠即得其情屬吏有被評者特為洗雪盡力破唐備旱澇運河至勞家所侵疏而復之郡有大盜數為權要所庇悉置之法有學士侵王右軍謝太傅故地悉剽歸其主竟由是罷歸

紹興府志

卷之四十三

人物志三

五

黃綰息人為刑部主事諫南巡被杖歷郎中出為紹興知

府以寬大為治嘉靖間葉應龍論陳洗罪十三條帝命

覆覈綰力持應龍議馬錄上書計應龍等桂萼因訟洗

寬遂逮綰等貶斥有差被徵時士民哭震野爭致贖綰

止取二錢至京下詔獄瘐死隆慶初贈太常少卿

歷志 綰字子賢汝南人當南守威猛之後綰以簡靜寬大繼之刑清政理士民交愛歟焉始綰按給事中陳洗

罪洗依附權相送逮綰詣獄郡人無少畏攀號塞道車不得前綰竟卒于家

湯紹恩安岳人父佐宏治初進士仕至叅政紹恩以嘉靖

五年擢第十四年由戶部郎中遷德安知府尋移紹興

為人寬厚長者性儉素內服疏布外以父所遺故袍襲

之始至新學宮廣設社學歲大旱徒步禱烈日中雨即

降緩刑罰恤貧弱旌節孝民情大和山陰會稽蕭山三

邑之水滙三江口入海潮汐日至擁沙積如邱陵遇霖

潦則水阻沙不能驟洩良田盡成巨浸當事者不得已

決塘以瀉之塘決則憂旱歲苦修築紹恩遍行水道至

三江口見兩山對峙喜曰此下必有石根余其於此建

閘乎募善水者探之果有石脈亘兩山間遂興工先投

以鐵石繼以籠盛礎屑沉之工未半潮衝蕩不能就怨

譁煩興紹恩不為動禱於海神潮不至者累日工遂竣

修五十餘尋為閘二十有八以應列宿於內為備閘三

紹興府志

卷之四十三

人物志三

六

曰經濤曰撞塘曰平水以防大閘之潰閘外築石隄四

百餘丈扼潮始不為閘患刻水則石間俾後人相水勢

以時啓閉自是三邑方數百里間無水患矣士民德之

立廟閘左歲時奉祀不絕屢遷山東右布政使致仕歸

年九十七而卒初紹恩之生也有峨嵋僧過其門曰他

日地有稱紹者將承是兒恩乎因名紹恩字汝承其後

果驗明史 萬歷志 紹恩為政務持大體不事苛細與

極度量安雅遇上大夫有禮尤喜延接諸生諸事涉身家必委曲調護然亦未嘗廢法也

有斗門閘猶未得具要紹恩曰三江建大閘功初起輒為海潮所衝突後夫皆哭紹恩曰此恐如是當益固耳

時通判周表才敏慮周董觀閘功勞績為多越人祀以配湯侯焉毛奇齡循吏傳山陰東南有浦陽江為三江

之一土接金華浦江諸水北流至諸暨與東江合北過
峽山東匯山陰之麻溪然後盡注錢清江而入于海是
時浦陽已通浙第口隘常高水反入浦陽而灌麻溪
其錢清之入海者勢若建瓴又傾渠不可止所以既苦
潦又苦曠紹恩至相浦陽上流慨前守戴琬所開積堰
使浦陽之水得復入山陰東南于是相其尾閘凡在紹
諸水濫則易浙深則易竭者為水坊海濱以何諸海而定
啓閘初錢清江下流原有二閘歲久墜廢紹恩相下流
三閘之口其地夾兩山為浦陽入海故道下有石峽橫
亘數十丈泗水得之乃伐石于山依峽建閘石北壯橫
衡烹林和炭以膠之石之激水者刻其首使不得與水
爭下有檻而上有樑施橫坊其中刻平水之則于柱石
間而啓閉之兩堤築土治鐵而澆其根凡二十八閘閘
下一年工成共得良田百萬畝漁鹽斤鹵桑竹場畝亦不
下八十萬畝初紹恩築堤澆有豚魚千頭乘潮而上
衆驚告紹恩曰此隄成之兆也在易
之中孚豚魚吉利涉大川 記名宦

張明道羅田人繼湯為守無所更張務與民休息好立名

紹興府志

卷之四十三

人物志三

七

義慷慨峭直不拘準繩每聽訟斷獄輕重或不可測有
玩世滑稽之意人呼謂張顛然實非顛也其學博窺經
史尤深於黃老然蘊而不發諸生或抱狀立庭下先與
談說今古稍中旨即判狀得白不且訶使退矣當是時
太守習為寬大民視太守嘻嘻如父子不見可憚越俗
上元燈火甚盛太守偕郡僚角巾步市中觀燈不以爲
異郡署中有亭在卧龍山顛縱民出入登眺無禁也故
老猶能談之而今不可復覩矣 萬歷志

沈啓字子由吳江人嘉靖進士爲紹興守所屬會稽新昌
蕭山田畝賦左累其長至賠產以償啓平其額而散之

里俾輕而易完人人稱便郡田於山多苦旱室廬櫛比
苦火又濱海鯊爲虎啓次第興革禱於神虎復爲鯊渡
海去 浙江通志採王世貞沈啓傳

李僑字子高長清人當嘉靖乙卯間倭寇擾越境前守某
性悍急城守張皇賊未至衆已先憊尋以罪罷去僑爲
武選郎有聲遂簡知紹興既至務爲持重令丁壯悉歸
田郊市晏如賊亦竟不敢犯督府方用兵征求四出僑
每持議節省又欲發會稽銀礦佐軍費僑堅執不可督
府雖怒之而事竟寢其爲政精嚴吏屏氣不敢玩越俗
少年競尚淫靡有犯必痛繩之即請託交入弗貸時山

紹興府志

卷之四十三

人物志三

八

陰李今北人也每出則以兩鐵索前導而僑出必懸兩
爐熱香越人爲之語曰府香爐縣鐵索一爲善一爲惡
在郡六年乃遷按察副使備兵寧紹鎮靜輯和大都如
治郡時官終山西左布政使 萬歷志
許如蘭號芳谷廬州合肥人萬歷丙辰進士初知光州疏
豁奇冤陳尙寶等七人治獄稱神入爲工部郎多平反
時譽大起簡守紹興始下車周咨民隱清課額崇學校
省刑出滯不數月間士民興頌時上虞有皂李湖爲一
方水利歲溉民田若干畝乃其遠於湖而黠者輒思引
水他注訟不已乃爲勘斷立石瀆湖者利賴無窮皆立

祠尸祝之陞陝西督糧叅政後為貴州左布政使

李

江通志三江自湯守建開久漸如蘭捐俸修築一還

舊制海塘關繫三縣田禾盡永久疏通之法越民賴之

于頴金壇人進士崇禎間以部郎守越清而肅人不敢干

以私政在安民治先教化課士尤嚴朔望必至劉宗周

家講學

王會新編

王孫蘭字晚仲無錫人崇禎四年進士累遷成都知府父

憂服闋起官紹興修荒政遷廣東副使分巡南雄韶州

二府張獻忠大亂湖南韶所轄樂昌乳源仁化連竄一

空連州守將先據城叛韶士民聞之空城逃孫蘭仰天

紹興府志

卷之四十三

人物志三

九

嘆曰失封疆當死賊陷城又當死吾盍先死乎遂自縊

明史浙江通志作孫蘭毛奇齡孫蘭傳字晚仲無錫

人崇禎進士知紹興會歲饑定賑救法預為分區使鄉

官分主之籍記饑民之受賑者合萬九千六百零口立

殿二百七十六所設散米給錢粥廠移粥藥局病坊官

羅民糴官積民積諸事共二十六則浙東三府十九縣

皆行其法所全活以千萬計御史祁彪佳著為救荒全

書一十八卷可處行之如官積先開賑于秋收時征米

每畝征升以時直給契登賑次年官出如舊直民積升

民田積米凡一畝以上畝積五升六以上畝積七升

明年計畝以時值糴米于本國
其法如此陸廣東按察司副使

水介蜀之富順人以刑部郎識獄多平反簡守紹興始下

車周咨民隱清課額崇學校省刑出滯不數月間士民

興頌

舊省志
以上知府

黃壁字廷玉浮梁人成化中同知紹興守潔政平民甚

之秩滿去郡惟圖書衣被而已

萬歷志 祀名

朱彤廬州人永樂初為通判廉公有威人不敢干以私及

去官士民走送者數千人聞溢郊外父老來自山谷者

皆歎歔流涕而別

萬歷志

張齡字廷奇華州人成化中為通判廉靖謙和愛民下士

勤勞致疾卒于官士大夫競為詩歌以悼之

萬歷志

吳成器休寧人由小吏為會稽典史倭三百餘劫會稽為

官軍所逐走登龍山成器擊盡殲之未幾又破賊曹

娥江擢浙江布政司經歷遭喪總督胡宗憲奏留之擢

紹興府志

卷之四十三

人物志三

十

紹興通判論功進秩二級成器與賊大小數十戰皆捷

身先士卒進止有方署所部無秋毫犯士民率於其戰

處立祠祀之

明史王鴻緒任環傳云成器後改武秩

募有斬獲功授會稽典史倭倭于嘉興王江涇斬三巨

酋又敗之陶家堰曹娥江龜山後梅大小四十三戰寇

平致仕歸

袁通正統己巳為紹興推官初任值處州賊葉宗留之亂

通奉檄率鄉兵征討即日與其子就道徑抵賊巢列柵

以扼其衝待旦乃與戰賊夜劫其營父子奮鬪俱被害

蔣誼字宗誼句容人成化間推官好文學引接儒生識決

萬歷志

平允人無號寃者召拜御史風采尤著

萬歷志

毛伯溫字汝厲吉水人正德中推官為人豁達有雅度沉毅精明每獄郡獄必兀然凝坐徐察言色務得因隱爰而後斷其是非故誤權衡輕重無縱無枉人人稱平

呼為毛青天云諸郡邑有訟寃者必求直于毛青天攝理盈案能譽大起尤好敦禮賢士大夫不以貴顯唯其學行有聞者必造門諮訪相與廣唱徵拜御史巡按諸

省咸著風裁歷兵部尚書太子少保起征安南撫定莫登庸之亂以功進太子太保卒于家

萬歷志

王遼字繼津霸州人嘉靖二十六年進士除紹興推官入

紹興府志

卷之四十三

人物志三

士

為兵部主事歷員外郎峭直矜節概不妄交同官楊繼

盛劾嚴嵩及其孫效忠冒功事下部覆世蕃自為案以

屬郎中周冕冕發之反得罪尚書聶豹懼趣所司以世

蕃案上遼直前爭豹怒竟覆如世蕃言繼盛論死遼為

資瑄體且以女字其子應算嵩父子大悲撫他事下之

詔獄及繼盛死收葬之歷官戶兵二部尚書卒贈太子

太保天啟中諡恭肅

明史

陳讓字以禮晉江人舉省試第一尋第進士為紹興推官

諸生素誦其文及至爭造門下時有禁有司不得私受

門生讓嘆曰吾豈以是阻士子嚮往之心哉欣然延接

躬訓勉之得其指授者多成佳士為人寬博雅重讞獄

明恕凡郡中大利病每贊太守罷行之新昌築堤三江

建閘皆與有勞焉尤倦倦以正風俗明教化為已任毀

淫祠獎節孝增置學由崇祀先哲蓋斌斌以文學飾吏

治矣已徵拜御史疏劾巨俠劉東山之奸又諫阻獻陵

遷葬隆慶初追贈光祿卿

萬歷志 李士讓孫際春明易喜越中山水卜居燕山之麓

關永傑字人孟輩昌衛人世官百戶永傑好讀書每遇忠

義事輒書之壁狀貌奇偉類世人所繪忠武侯像崇禎

四年曾試入都遊忠武祠有道士前曰昨夢神告吾後

紹興府志

卷之四十三

人物志三

主

入當有登第者後且繼我忠義可語之永傑愕然登第

授開封推官強植不阿民畏愛之憂歸起官紹興遷兵

部主事擢睢陳兵備僉事崇禎十五年二月李自成數

十萬眾攻陳州永傑率士民分堞守賊遣使說降斬其

頭懸之城上賊怒攻破之永傑格殺數賊身中亂刃而

死贈光祿卿

明史

乾隆四十一年

賜諡忠烈入祀忠義祠

李士讓崇禎辛未進士性剛不阿遇有難一率于法然能以仁心為

質不妄施刑小民懷之駐陳州時聞睢陽陷方固守陳

待援兵民俱歿陳州降永傑曰死守三日事可為也思

民惶惑士獨不于計乎眾然無應者心知勢窘猶

厲氣巡城無何民奪門以出寇亦擁至遂仰天大呼者

三還署投環死贈

太僕寺卿賜祭葬

陳子龍字卧子華亭人崇禎十年進士選紹興推官東陽

諸生許都者副使達道孫也家富任俠好施陰以兵法

部勒賓客子弟思得一當子龍薦諸上官不用東陽令

以私憾之適義烏奸人假中貴名招兵事發都葬母山

中會者萬人或告監司王雄曰都反矣雄遽遣使收捕

都遂反旬日間聚眾數萬連陷東陽義烏浦江遂逼郡

城既而引去巡按御史左光先以撫標兵命子龍為監

軍討之稍有俘獲而遊擊蔣若來破其犯郡之兵都乃

率餘卒三千保南砦雄欲撫賊諸子龍曰賊聚糧據險

官軍不能仰攻非曠日不克我兵萬人止五日糧奈何

紹興府志 卷之四十三 人物志三 圭

子龍曰都舊識也請往察之乃單騎入都營責數其罪

諭令歸降待以不死遂挾都見雄復挾都走山中散遣

其眾而以二百人降光先與東陽令善竟斬都等六十

餘人于江游子龍爭不能得以定亂功擢兵科給事中

命甫下而京師陷乃事福王於南京明年投水死明史

隆四十一年

賜諡忠裕李志作青浦人士以其夙有文望爭師事之居官不釋書史聽斷明決庭清如水諸賢縣志

子龍署諸賢縣值歲饑民方聚亡命肆掠以計擒之以上推官

吳鍾鑾字稚密武進人崇禎七年授長興知縣以徵練餉

不中額謫紹興照磨逾年移桂林推官魯王以為禮部

尚書

大兵至鍾鑾入昌國衛孔廟積薪抱孔子木主自焚死明史

隆四十一年

賜諡忠烈以上首領

崔東字震初洪武初知山陰縣賦均訟簡有治聲去後民

益思之明一統志

譚應奎廣東人洪武末知山陰有治劇才摘發奸蠹吏民

不敢欺萬歷志

王耕字舜耕山東人永樂中知山陰有經濟大畧時朝廷

初事營建徵發旁午耕調劑節約不廢法亦不病民中

紹興府志 卷之四十三 人物志三 圭

官鄭和下西洋取寶玉所經輒恣橫里廬不寧耕抗言

邑所產惟布粟寶玉非所有也和遂去萬歷志大清一統志耕山東單縣人

錢浩華亭人宣德間知山陰愷悌文雅抑豪強伸枉滯斷

獄平反皆得其情里胥應役有程度吏莫敢羈停之者

治為一時最萬歷志宏治志邑人有鬻其子於隣邑而誣富室殺之者治片言折之民莫能欺

周鐸四川大竹人天順初知山陰外剛內恕好鋤抑豪橫

而字細民如子尤加意學校治行蔚然可稱萬歷志宏治志

景泰初知山陰

陰歷知州

金爵字良貴綿州人成化中知山陰平易節省居官無赫

赫名而下民殊德之時郡多虎獨不入境人以爲異徵

擢太僕丞去子獻民官刑部尚書萬歷志

王倬字用檢崑山人成化中知山陰練於政務洞悉下情

吏民畏愛官至兵部侍郎萬歷志

李良山東人宏治初知山陰才畧過人廢墜里舉運河土

塘驟雨卽頽水溢害稼且病行旅良周諮計度萬歷志以石

亘五十餘里塘以永固田不爲患至今便之萬歷志

張煥字主奎太和人正德中知山陰有雅量政先大體丁

卯秋海溢死者相枕籍煥躬詣巡巡自吊死問生力請寬

道寬其賦且賑之比歲登令民築塘捍海復於上流建

紹興府志

卷之四十三

五

區掩關蓄洩以時自是少水患尤勤於造士修復稽山

書院至今緝績恢宏實其所更始云萬歷志

顧鐸字孔振山東博興人正德間知山陰廉明威斷吏不

敢爲奸豪有歛迹至今談其政凛然風生萬歷志

楊行中字惟慎通州人嘉靖間知山陰厚重寬大脫畧苛

細雖禁劇中不越常度時方憚於前威而行中以簡靜

居之寬猛相濟士民懷洽以績擢御史歷戶部尚書萬歷志

劉昂字晉初鳳陽人嘉靖中知山陰年少而敏訟牒盈案

目視耳聽舉手落筆悉中肯綮絕無一雷同語時當收

會獎孔百出昂躬操算簿防範精嚴飛詭頓革瀕海沙

田凡千頃歲有獲而無徵額乃請于上躬往履畝而以

無挨稅糧均其內民甚便之視事三年布利剡獎職務

舉而公庭燕閒日與諸生考藝賦詩蓋前後諸令以文

雅稱者必推昂焉萬歷志

許東望字應魯山東平山衛籍直隸宿松人嘉靖戊戌進

士東望初令山陰政尚寬和民德之如慈父遷戶部郎

歷浙江叅議會倭寇突擾境內奉檄分守浙東治紹興

時方事興欽急法煩閭閻騷動東望一切鎮以簡靜愛

民下士吏卒無不感恩用命柯亭龍山後梅清風之捷

紹興府志

卷之四十三

六

東望皆親冒矢石而典史吳成器實左右之以功進按

察副使整飭兵備兵巡之銜自此始東望自爲令及兵

憲務爲寬大人比之羊叔子越人至今祠祀之浙江通志

陳懋觀字孔質長樂人初知會稽數月政聲流布以憂去

既除適山陰缺令邑人願得懋觀遂改知山陰爲人憫

恤無華不銜名不騁才智而廉靖寬和始終如一蔬食

布袍淡若寒士順民好惡賦役訟簡時當葉令貪虐之

後士民如獲更生嘉靖中循吏以懋觀爲最徵拜給事

中去越人至今思之有祠在卧龍山麓懋觀享者殊不

類云萬歷志

徐貞明字儒東貴溪人父九思見循吏傳貞明舉隆慶五

年進士知山陰敏而有惠歷官尚寶少卿京東水田實

百世利事初興而即為浮議所撓論者惜之明史李

伯繼性成五載久任抑豪強扶善類不授鋪戶不

繁差勾上官携之初終無改其利于民尤在築海堤杜

災患校士不徒以文義嘗舉一二公正者為民勸及應

召去民多泣送衢路不能前有隨至江南山東界者

後祀祀迎恩門外

邑人張元林為記

毛壽南吳江人由進士令山陰貌溫雅若不勝衣及投以

艱鉅人所却顧者毅然無難色民隱得以上達遇歲稔

道廩相望請蠲稅不得乃停征緩限監司數讓之弗顧

捐廩祿行賑救饑者糜之病者藥之時有姦民相聚為

亂劫者斃其渠魁餘黨悉散先是攝篆者媚上官詭報

完賦會有赦院司據額催解壽南報以實狀卒罷徵越

俗仇訟多以殺人誣一訊之家輒破乃先驗屍然後訊

由是誣者不行邑餉故有輸勾餘衛所者遠三百里民

艱於漕則為權豐歉議改折復量給程費當路善其議

檄他邑通行之天樂鄉民田三萬七千有奇苦江湖衝

溢為築堤備山鄭家山等處以捍之民爭趨事不費公

帑一繕事竣欲開麻溪壩洩雨盈湖使山會蕭三邑無

紹興府志

卷之四十三

人物志三

七

馬如蛟字騰仲和州人天啓二年進士令山陰有清操崇

禎元年徵授御史劾罷魏忠賢黨出按四川監武會試

落職論平安邦彥功復故官以父憂未赴流賊至如蛟

傾貲募士固守庠壯士出擊兩戰皆捷賊將奔會風雪

大作不辨人色守者皆潰賊遂入城如蛟急下令能擊

賊者予百金須臾得百餘人巷戰賊多傷力屈遂戰死

家屬十四人皆死贈太僕少卿官一子明史李

毅頗吃干口乃能斷次如流嘗泊海塘修麻溪壩定閘

規舊漫故兩盈湖無惡水又建義倉立大善社每歲盜

賊禁毋得妄攀因早禱雨痛自刻責雨霽乃

建逢年亭附城隍廟朔望率父老諄諄講諭

汪兆元婺源人進士崇禎間令山陰性厚而慈不疾言遽

紹興府志

卷之四十三

人物志三

太

色吏役逢迎者或先事密陳不拒亦不問久之察其猾

者案之民皆稱快催科連負者唯諄諄勸諭不先刑士

子自好者必厚待之時人皆稱汪外公王會新編已

應佐江都人自少以志節聞鄉有妖佐為辨怪文以禳之

妖遂息貢入太學適武宗南巡佐抗疏勸返駕禍且叵

測而佐處之晏如及丞山陰清而有執以文學飾吏治

遷高陽令去

鞠斌永樂初為山陰簿性寬仁不施鞭扑而吏不忍欺蒞

紹興府志

卷之四十三

人物志三

太

陽春洪武中尉山陰清勤有幹局晨起視事日晏未罷惟

政數月庭無滯獄尋被徵擢萬歷

陽春洪武中尉山陰清勤有幹局晨起視事日晏未罷惟

政數月庭無滯獄尋被徵擢萬歷

陽春洪武中尉山陰清勤有幹局晨起視事日晏未罷惟

政數月庭無滯獄尋被徵擢萬歷

陽春洪武中尉山陰清勤有幹局晨起視事日晏未罷惟

政數月庭無滯獄尋被徵擢萬歷

陽春洪武中尉山陰清勤有幹局晨起視事日晏未罷惟

政數月庭無滯獄尋被徵擢萬歷

陽春洪武中尉山陰清勤有幹局晨起視事日晏未罷惟

政數月庭無滯獄尋被徵擢萬歷

陽春洪武中尉山陰清勤有幹局晨起視事日晏未罷惟

政數月庭無滯獄尋被徵擢萬歷

陽春洪武中尉山陰清勤有幹局晨起視事日晏未罷惟

政數月庭無滯獄尋被徵擢萬歷

陽春洪武中尉山陰清勤有幹局晨起視事日晏未罷惟

政數月庭無滯獄尋被徵擢萬歷

陽春洪武中尉山陰清勤有幹局晨起視事日晏未罷惟

政數月庭無滯獄尋被徵擢萬歷

陽春洪武中尉山陰清勤有幹局晨起視事日晏未罷惟

啜糜而已隆冬無衣長官以衣衣之受而不服其介如
此至永樂初有尉黃昇者四會人廉謹不下於春訟平
事集人咸惜其位不稱才云萬歷志

岑子元南海人永樂初為錢清北壩官廉介勤敏役夫餽
酒肉者悉卻之傲袍蔬食處之怡然政暇必兀坐讀書
人謂子元不卑其官而清操獨立使位高而愈貪者聞
之可愧死矣萬歷志案王會新編作子原
已上皆山陰縣佐附壩官一人

戴鵬字鵬舉信都人至正末尹會稽清謹有器識洪武初
仍知會稽惠政益孚時信國公湯和軍四明趣郡縣供
應期甚嚴鵬率民步行往餉日哺饑甚從者進餅却不

紹興府志 卷之四十三 人物志三 九

受撈道旁水飲之一日休縣解忽雷震火延書牒左右
驚仆鵬神色自若徐曰撲滅之其度如此及秩滿民不
忍其去相與留其靴明一統志
祀名宦

王宗仁延平人洪武初知會稽以廉能稱吏民畏懷秩滿
去父老擁留幾不得行明一統志
祀名宦

凌漢字斗南河南人洪武初以秀才舉至京獻鳥鵲論上
悅授司經局正字未幾出知會稽寬簡仁恕愛民如子
以誼課繁按察司獄上知漢無罪命械按察使陶晟與
漢俱來至即拜漢監察御史每有論奏上輒稱善尋改
右贊善歷右都御史漢不受私遺面折人過人亦以此

忌之萬歷志張元仲曰邑志謂漢
病卒會稽今按浙江通志正之

鄒魯鳳陽人洪武中為會稽典史釋滯理冤輕刑緩役招
集流亡黎庶樂業父老奏營治績擢知本縣後為豪家
所誣逮至刑部事直上嘉其守擢大理丞萬歷志
寧鎮撫趙興為人
私請不從誣逮
歷會稽志廣

魯昂台州人正統末知會稽慷慨任職嘗曰為民父母而
使一民不得其所吾職未盡也於是勞心撫字威惠並
行邑稱大治萬歷志
志作會卑

陳壽字秉均大理人宏治初知會稽其政務興利補弊
尤注意學校為闢地置田性剛嚴不畏強禦時中貴出

紹興府志 卷之四十三 人物志三 三

鎮者張甚及至弼遇之無加禮敘迹而去萬歷志

張鑑字汝明南充人嘉靖中知會稽時縣中匿稅與畝以
萬計賠者苦之鑑請履畝一稅經歲寢食田野中追說
事民大稱便商旅苦濫推鑑又請裁冗署凡五所守介
政寬不妄取一物不妄撻一人而所舉悉久遠大計被
徵去縣服御蕭然未幾民爭祠之歷官南儲都御史鑑
之後有古文炳番出人清介方嚴與鑑相伯仲同時食
山陰者方叢怨于民乃有古君子葉小人之謠以母喪
去徒跳出郊哀號欲絕見者愴慟邑人並鑑祠之額曰
雙清焉萬歷志

吳達可字安節宜興人萬歷五年進士知會稽有聲選授

御史歷通政使卒贈右副都御史

明史

史垂則宜興人萬歷中知會稽以教養為事鑿曹娥瑞地得磽田萬畝春耕時緩征徭停勾攝使得盡力農事民

肖像祀之

大清一統志

張伯鯨字繩海江都人萬歷四十四年進士知會稽崇禎

中擢兵備僉事轄榆林中路擊破賀思賢斬一座城金

翅鵬敗套寇於長樂堡又分道擊破插漢部長及套寇

於雙山魚河二堡崇禎十五年召為兵部左侍郎乞休

福王立於南京伯鯨家居不出久之揚州被圍與當事

紹興府志

卷之四十三人物志三

三

分城守城破自經死

明史已上
會稽縣令

陸平益都人永樂二年承會稽政尚寬和輕刑緩賦民共

戴之

萬歷志已
上會稽縣佐

張懋洪武初知蕭山重農恤民尤注意湘湖水利為圖記

刻石至今尚存

萬歷志蕭山志
刻石在儀門之左

王谷器徽州人洪武間知蕭山莅政明敏長於治才果決

如流事無壅滯

明續志

張崇建安人永樂初知蕭山時方營建宮室供億煩擾崇

隨宜應答而上不失事下不勞民民甚德之

萬歷志

蘇琳山東人初為御史出知蕭山蕭山歲貢櫻桃每令中

官採取多索常例琳抗不與遂與中官相格逮械至京

英宗問曰爾何為格我內官對曰朝廷以口腹殘民內

官以威勢虐朝廷命吏臣是以抗之上歎曰直臣也薄

責之令還職琳曰臣固宜受責但使櫻桃復貢蕭山民

死過半矣自是蕭山得免櫻桃貢

萬歷志天清一統
志琳山東蒙陰人

李瑩武陟人成化間知蕭山會潮突新林塘漂溺無算瑩

補築堤岸掩建恤饑不遑寢食民賴以安

萬歷志蕭
山志瑩等以

才能知
紹興

朱斌字良用崑山人成化末知蕭山為政切于愛民催科

不擾開濬湖潮豪强屏跡立丁田法院司嘉之頒行諸

紹興府志

卷之四十三人物志三

三

郡邑利澤甚博徵拜監察御史

萬歷志
祝名宦

張選字舜舉無錫人嘉靖八年進士除蕭山知縣泊蕭山

有聲十二年冬入為戶科給事中明年四月時享太廟

遺武定侯郭勛代選言迹涉忘玩帝大怒命執選闕下

杖八十曳出已死家人投良劑得甦竟削選籍穆宗初

起通政參議以年老予致仕

明史

王聘字念覺利津人嘉靖中以給事中言事忤旨謫知蕭

山廉不炫名簡不踈物馭吏無民威惠並著尤究心水

利發修圖志居蕭僅一期邑人至今稱之

萬歷志

施堯臣字忠甫青陽人嘉靖中知蕭山有幹才遇事刃解

甚得民譽邑自初建以來無城先是屢經海寇始議築

城竟莫能就竟臣至之明年海寇大至他邑無城者被

禍尤慘乃力請築城相度地形鳩工聚石晝夜督率不

數月而城成周圍凡十里堅厚周密屹然一方保障云

績聞擢吏部主事後寇屢掠縣境城市晏然歌頌不已

萬歷志 浙江通志字欽甫美臣流任不挈家屬

止攜一簾及遷惟贈言數紙而已官至順天府尹

許承周崑山人隆慶中知蕭山廉敏明肅豪猾屏跡築北

海塘以遏潮鄉民賴之大清一統志

劉會惠安人知蕭山建西興石塘及龍口閘為蕭民永賴

舊省志

紹興府志 卷之四十三 人物志三 三

秦尚明太康人蕭山令廉明並著減賦額却例金于署外

立榜亭置饗器民有以訟牒至者即令居此攝被訟至

立為斷遣舊省志

陳如松同安人知蕭山為民興利而抑富豪以邑水東瀉

不利民財乃築壩截其流別開雙河騰使水折而南注

繞出大通橋又北注以達于故道凡為橋者三建塔二

陞知州舊省志

顧棻無錫人崇禎間知蕭山邑有劇盜為巨族所窩棻至

捕得之巨族力為營解不得因挾數千金走無錫棻棻

從父不應役求棻從兄樞樞曰吾家自端文尚寶世守

清白金何為者再至吾執汝矣其人夜遁借棻戚張赴

浙棻聞心疑為巨族招致張來因故緩見張而出所獲

盜于獄時漏下已數刻立杖殺之一時稱快舊省志

山縣令

黎清安吉人洪武末承蕭山清慎公勤民甚愛之清之後

有承熊以淵靖安人勤慎明察人不敢干以私正德中

有承阮璉南陵人清操著聞三載如一蕭山良吏必稱

三丞焉萬歷志 已

陳公達清江人洪武初知餘姚廉謹慈愛務以德化薄不

任威刑察民所疾苦力與社刷時田籍新附役法不均

紹興府志 卷之四十三 人物志三 三

乃稽偽覈實定為三等倣前人造風尾冊凡遇差役必

與冊準無一人不稱平者後卒于官百姓皆哀痛焉萬歷志

都昶字文達海豐人以太學生知餘姚為人謹飭勤敏好

禮士數過高士張一民所延停晷日張具蔬菜糲飯昶

飲食之極歡治縣號得體百姓親附之相與假貸時當

永樂初營建北都追督材需者旁午郡縣多擾姚獨恃

昶無患然昶卒坐稽慢謫逮民爭輸財願還昶還謝

曰以昶故累吾民也民以此益思之昶終九年去吏胥

莫能鈎致一錢然亦不答辱吏以故吏亦無怨者昶瀕

行民爭留其靴懸之舜江亭後有見和靴墮淚者嘉靖姚志

大清一統志載之

唐復武進人知餘姚為人直方斷擊無滯拊循貧弱甚著

恩愛舊省志 嘉靖浙江通志 復字復亨仕至平樂知府

黃維字德防星子人嚴毅善斷是時民苦折納需銀維白

當路當路者折挫之維不為動愈剖其利害曰但折挫

令免折民所甘心焉當路感動遂得免折納維益展布

民大和輯縣署學校皆圯修完之萬歷餘姚志

張禧字公錫靈璧人天順初以御史謫知姚喜簡靜不務

苛細其御百姓甚著恩禮獄訟造庭者令具衣冠來曰

紹興府志卷之四十三人物志三 名宦下 五

子見父母豈得廢禮耶即不肖有法耳為縣數月德化

大行逃亡者復業以尤異擢守杭州父老遮道留不可

得送至錢塘者千餘人皆號泣萬歷志

劉規字應乾四川人成化中知姚凡所推行務當羣情監

司或左其情規持之不變時中官暴橫誅求入民骨髓

有司莫能抗規獨挺身當之中官聞規素清白無憚卒

不敢虐其民辛卯海溢大饑疏蠲其稅賑貸之尋以憂

去百姓久而思焉其後有賈宗錫張宏宜者相繼為縣

與規並稱宗錫字原善常熟人宏宜字時措華亭人萬歷志

孫姚志 張宏宜有傳傳並云自劉規胡憲賈宗錫張宏宜相繼為治二十餘年之間更此四令黎民以久

胡瀛字孟登羅山人成化中知姚是時日本國入貢所至

騷擾瀛多市瓦器實魚菜糗糧至即人與數器得飽而

懽已輒就道歲饑發廩以賑全活甚眾奏免田租已賜

之半復請折所不免者又許之乃監儲督折銀急甚瀛

罷弗徵坐奪俸又弗徵其明年有秋民爭輸恐後無一

逋者瀛平徭息訟每誚豪右弱人人畏悅以愛去百姓

思之為立碑焉萬歷志 祀名宦

張讚字宗器六合人由鄉貢知姚為政平易簡靜務為惠

愛正德壬申秋海溢溺民浮屍蔽江讚流涕躬率人瘞

之其免于溺者皆凍餓不勝讚力請賑恤當路猶督稅

紹興府志卷之四十三人物志三 名宦下 六

如故讚俟其行縣率饑民踰城請貸無異家事稅乃獲

免然卒以此迂當路得調去萬歷志

邱養浩字以義晉江人正德中知餘姚才識間敏黠胥莫

能為奸視義勇發善善不移旌良善抑豪橫民皆知所

勸戒時姚賦役多奸欺養浩洞見弊源乃定為橫總冊

釐正之最稱均平擢監察御史去民思之至今萬歷志 祀名宦

顧仔仁字伯剛太倉人以進士知姚賦役自邱令釐正後

豪猾復為奸欺飛詭漏免貧民一丁有出銀九錢以上

者存仁乃罷丁科田每歲畝出銀六釐于是無田者得

以無授監司排其法于全浙姚邑無志纂述之未就遷

給事中去
浙江通志

丁懋遜霑化人爲餘姚知縣有治績入爲吏科給事中以救李獻可削籍里居三十年光宗立起太僕少卿累遷

工部左侍郎卒贈尚書明史

董羽宸字邃初華亭人萬歷癸丑第進士知餘姚先是嘉

靖中嘗中倭患由奸民與市以致闖入故禁頗嚴久之

法弛復有與倭市者羽宸廉得其人按以法海患始息

時鄉豪有仇殺族屬籍里甲勿以聞者爲躬履山巖出

其骸荆棘中卒正豪罪民敬服之如神然賦性推誠未

嘗峻法以逞題青天白日四字於聽事數瞻顧之讞訟

紹興府志卷之四十三
人物志三
名宦下
三

時諄諄以情理諭民民多感泣不忍欺吏胥亦無舞文

者邑紳鄉學柱家人偶犯法羽宸立杖之學柱服其中

正贊不置口一時輿論謂虛公如學柱德化如羽宸足

並重云李

梁桂植字南有宜春人崇禎辛未進士令餘姚體緩而弱

未嘗形喜怒有以事白但緘默而已人莫窺其指及鞠

訟則屹然不可移姚邑錢穀久爲吏胥乾沒解戶半折

而入于官自佳植至一洗積弊民樂輸恐後落任四載

未嘗以重刑加所犯者與民休息境鮮盜賊以愛去鄉

泣送者無數李

袁定字與立華亭人崇禎丁丑進士知餘姚剛斷有爲

城垣修學校清糧役尤能發奸摘伏有隸役乘勾攝毆

殺一驛夫立斃之杖下辛巳歲饑貧民聚衆肆掠捕得

數人未及報上卽梏殺之而涕泣自言不職設法賑濟

多所全活蓋姚令如定者迹似擊斷心存惻隱殆以經

術飭吏治者歟陞刑部主事去李

王正中北直隸人崇禎間知餘姚時山寇竊發邑如沸蟻

正中與歷有方民依爲命浙江通志
已
上皆餘姚縣令

金韶字子善太倉人嘉靖中爲姚丞天性溫良政有條理

吏奸不行民稱頌之初縣令顧存仁纂邑志未就被徵

紹興府志卷之四十三
人物志三
名宦下
三

去韶克嗣其美志賴以成居六年遷知長汀萬歷

張助歸德人成化初以吏除姚簿事母以孝聞居官廉潔

不取民一錢海盜堤壞率衆修治多稱其功又宏治中

有簿劉希賢貢城人性狷介不以家累自隨遇事有執

持每與上官抗至死無悔死之日篋中惟存俸銀五錢

帕二方而已官爲殮其喪歸之萬歷志
已上
皆餘姚縣作

趙允文鄆城人洪武初知上虞時瘡痍甫定允文招撫流

散差定賦役民樂更生萬歷

鄭行簡字汝敬歙人永樂中知上虞爲政務抑豪右恤窮

乏治興梁興學校百廢具舉御史尹崇高行部號嚴厲